

Oqaasiliortut ataatsimiinnerannit

tallimannngornermi februaarip 25-anni, 2005, nal. 10.00

Oqaasileriffimmi.

Peqataapput:

Carl Chr. Olsen (Puju), Nuka Møller, Stephen Heilmann, Ellen Jensen aamma
Liisi Egede Hegelund.

Bolatta Vahl Oqaasileriffimmi atorfilik.

Johanne B.-Tobiassen allatsigalugu.


1. Oqaluuserisassat akuerisassanngorlugit saqqummiunnerat
2. Ilisimatitsissutit
3. Retskrivningsordbog
- Ilinniusiorfimmit najuuttoqassaaq
- Ebbe Mortensen, Abia Abelsen
4. Oqaatsit suliassiissutigineqartartut (Bolatta Vahl)
5. TELE POST – imit taaguutit nalunaarsukkat, Stephen Heilmann
6. Taasariaqartut allat

- 1 pillugu -

Oqaluuserisassat akuerineqarput.

- 2 pillugu -


a) Ilitsoqqussaralugu oqaatsit ulluat februaarip 21-anni malunnartinneqartoq pillugu sap.ak. Oqaasileriffimmi atorfilinnit malunnartinniarneqarluni ingerlanneqartoq suliffeqarfinnut oqalugiariartortarnikkut iluatsilluartoq oqaatigineqarpoq unnukkullu Katuap Byorkestersaliani ingerlanneqartoq aamma ingerlalluarsimalluni iluatsittumik. Suliffeqarfinnut ornigunnermi qallunaatut kalaallisullu ingerlanneqartumik oqalugiartoqarpoq immikkoortinnerisigut oqalugiarnerrit. Qallunaatut Per Langgårdimit ingerlanneqarput kalaallisullu ingerlanneqarlu tik Carl Chr. Olsenimit, Nuka Møllerimit Bolatta Vahlmillu. Februaarip 21-anni



2005 unnukkut ingerlanneqartumi saqqummiipput Carl Chr. Olsen: Oqaatsit kalaallit tamarmik atugassaas, Olga Csonka, Siberien: Meeqqanut taallat erinarsuutillu Chuckchisut, Per Langgård: Qarasaasiami kukkunmiaat kittoraaser-suullu, Magssannguaq Qujaukitsoq: Inughuartut taallat marluk, Nuka Møller: Piusiuttakkat, SMS aamma chat kalaallisut, Victoria Simigaq: Inuktitut oqaatsit allattaaserlu, Ruth Montgomery Andersen: Tyrkerit taalliat tuluttut atuarlugit, Efraim & Ado Kristiansen: Tunumiusut erinarsorput nipilersorlutillu, Alona Tcherkasina, Jakutsk : Russisut taalliat, Francoise (Fafou) Papis Hansen: Franskisut taalliaq.

Siunissami ilitsoqqussaralugu oqaatsit ulluanni nalliussiniarnermut tunngatil-lugu siunnertarineqartoq sinerissamut sunniuteqarnerusumik suliniuteqarnissaq oqaatigineqarpoq. Maanna radiukku tv-kkullu sulianik nittarsaassineq annikin-nerusimasoq annertusarniarneqarpoq atorluaanikkut kalaallit tamakkiinerusu-mik anguniarlugit oqaatsit sammineqarnerisigut.


- b) Taaguusersuineq oqaasilerinermit atuakkialerinermit misilitsinnermilu taaguutini aalajangersimasunut tunngatillugu suleqatigiit tallimanik ilaasortallit ilaatigut Ilinniarfissuarmit, G.U.-mit, Atuarfitsialammit Ilinniusiorfimmillu suliniuteqalersimasut Ellen Jensenimit ilisimatitsissutigineqarpoq. Assigiaarnerusumik taaguusersuinerup iluaqutigissassai meeqqat mikinerminniilli sungiusimasatik ilinniarfinnut qaffasinnerusunut ingerlaqqinnerminni taaguutini sungiusimasaminnik ingerlatitsitseqqissinnaaneri iluatiginartinneqartoq erseqqissarneqarpoq.
- c) Per Langgårdimit suliaq kukkuniaammut tunngasoq aallartittoq ilisimatitsissutigineqarpoq. Tamanna manna tikillugu unittoorsimagaluartoq ingerlaqqilersoq CCOMit nassuiaatigineqarpoq, siunertaasoq kukkuniiaammik inuiaqatigiit tamat qarasaasiakkut allannermut iluaqutissaat saqqummersinneqarumaartoq ilisimatitsissutigineqarpoq.
- d) Nunat Aqqinik Aalajangiisartut ilaasortassaannik Naalakkersuisunit toqqakkamik ilasussat sulii ilaneqarsimanngitsut CCOMit ilisimatitsissutigineqarpoq.



- e) Nuka Møllerimit ilisimatitsissutigineqarpoq Ilitsoqqussaralugu oqaatsit uluannut tunngatillugu sap.ak. ingerlanneqartumi oqalugiarnermi Nutserisoqarfiup oqalugiartigineragut qanimut suleqateqarnerulernissaq Oqaasileriffimmi atorfilinnit Nutserisoqarfimmiunillu ornigineqarlualersimasoq ilisimatitsissutigineqarpoq, tassunga tunngatillugu taaguutinik nutaanik atuilernermi Nutserisoqarfiup Oqaasileriffimmi atorfilinnut ilisimatitsisussaataanerminik aamma nassuiaaffigineqarsimanini paasilluarsimagaa ilisimatitsissutigineqarluni. Tamanna pisussaataaffik Inatsisartunit Oqaatsinut politiki akuersissutigineqarneragut kikkulluunniit nutaanik taaguusiortut pisussaaffiligaasimasut Oqaasileriffimmik ilisimatitsinisamut erseqqissaatigineqarluni.
- Oqaasileriffimmi atorfillit siunissami qaninnerusumi Atuagagdliutitigut oqaatsinut tunngatillugu paasissutissaaqqanik saqqummersitsisalernissaq siunniunneqartoq ilisimatsissutigineqarpoq, taamak ililluni oqaatsinut attuumassutilinnut sunulluunniit atorluarneqarsinnaammat paasissutissineq quppernerpassuit atunngikkaluarlugit.
- f) Radiomi tusagassiortut isumaqatiginerigisigut qaammammulluunniit ataasiarluni sinerissami tusarnaartartut oqarasuaatikku ilaatinnerisigut taaguutinik aalajangersimasunik sammisaqartarnikkut suliniuteqalernissaq aqputissiuunneqarsimasoq ilisimatitsissutigineqarpoq.

- 3 pillugu -

Siullermik Ilinniusiorfimmit ilisimatitsissutigineqarpoq Retskrivningsordbogimik kalaallisuumiit kalaallisuumut meeqqat atuarfiat amigaateqartoq. Ordbogeeqqap saqqummersinneqarnerata kingorna annerusumik saqqummersitsisoqarsimannginnera pissutaalluni meeqqat atuarfeqarfinni amigaateqarnerat nassuiaatigineqarpoq Abia Abelsenimit. Siusinnerusooq piffissaq eqqarsaatigalugu Oqaasileriffiup Ilinniusiorfiullu naapeqatigiittarneragut suleqatigiinnissamut isuma aallartisarneqarsimasooq CCOmit ilisimatitsissutigineqarpoq. Suliassamut Retskrivningsordbogiliornissamut tunngatillugu Oqaasiliortunut ilaasortat ilisi-



matinneqarput suliaq taamaattoq Oqaasiliortunit taamaallaat akuersissutigineqarpat sulisoqarlarsinnaasoq.

Oqaasiliortunut ilaasortanit tamanit suliassap piviusunngorlugu ingerlanneqalernissaanut isummerneq ersersinneqarpoq.

Ilinniuseriffimmit ilisimatitsissutigineqarpoq Miilu Lars Lundip aamma Karl-Elias Olsenip suleqatigineragut suliassaq saqqummersitsinissamut aallarnisaataasoq ingerlanneqarsimasoq. Suliat aallarnisaanermut tunngatillugu takussutissat Oqaasileriffimmi atorfillit kiisalu Oqaasiliortunut ilaasortanit maanna takuneqarsimalereersut tunngavigalugit suleriaasissamut pitsaanerusement ilusilersuiniarneq aallartisarneqalersoq nassuiaatigineqarpoq.


CCOmit nassuiaatigineqarpoq Oqaasileriffimmi atorfillit ilisimatusarnikkut pissaaffigimmassuk orbogisut ilusilimmik saqqummersitsinissamut piunasaqaatit kisimik pitsaassutsimik qaffasissumik tunuliaqutaqarnikkut suliaqartussaati taasut taamaak ililluni oqaatsit Retskrivningsordbogimi ilanngunneqartussat pitsaassutsimik qaffasissumik tunngaveqarluni sulinissamut tunngatillugu MLLimik KEOmillu suleqateqarnissaq killilimmik atorineqassasoq Ilinniuseriffimmit Oqaasiliortunut ilaasortanit Oqaasileriffimmi atorfillinnit isumaqatigiisutigineqartumik aalajangertoqarpoq.

Taaguusersuinermit ilisimasallit Oqaasileriffimmi atorfillit pitsaassuseq suliamikkut tunniussinnaasaat Oqaasiliortut aamma akisussaaffigeqataaffigigaat nassuiaatigineqarpoq CCOmit. Oqaatsinillu pisoqaavallaanik oqaatsinillu nutaanik ilanngunneqartussaangitsunik ilanngunneqartussanillu Oqaasiliortunut ilaasortat aalajangiisussaaffeqartut ilisimatinneqarput.

Oqaasiliortunut ilaasortamit LEHimit apeqqutigineqarpoq suliniarneq qanoq ingerlateqqinneqassanersoq.

Tamanna CCOmit nassuiaatigineqarpoq Oqaasileriffimmi atorfillit piareersimasut suliniutip aallartinnissaanut.

BOVAmit nassuiaatigineqarpoq taaguutinik suliaqarluni suleriaatsip ingerlarsarneranik, tassani atorineqartoq immersugaq paasissutissanik uninngasuusivik (database) immersorneqarnerani killeqanngiusartumik periarfissalik qanoq ator-




neqarsinnaanerani. Taaguutini katersinermi oqaatsit ataasiakkaat kalaallisut nassuiaataat, danskisut nassuiaataat, grammatikkimut nassuiaataat, morfologimut nassuiaataat allallu nassuiaatigitinniakkat pisariaqartinneqartut immersuiffigineqarsinaasut nassuiaatigineqarpoq. Tamakku paasissutissat taagor-neqartut taassaasariaqanngitsoq saqqummersussami tamavissuarmik ilanngun-neqartussat. Saqqummersitassap siunertaa aallaavigalugu oqaatsit ilanngukku-sunneqartut ilanngunneqassasut nassuiaatigineqarpoq. Tamakku paasissutissat sinneri saqqummersinneqanngitsut paasissutissanik uninngasuusivimmi qaqugumut atajuassasut ilanngullugu erseqqissaatigineqarpoq, taamak ililluni qaquguluunniit sulianut allaanerusunut tunngatillugu paasissutissat ilanngun-neqariaannannngorlugit pisariaqartitsineq aallaavigalugu.

CCOmit nassuiaatigineqarpoq Retskrivningsordbogiliornermut tunngatillugu oqaatsit ator-neqartussat killilerneqarumaartut, tamakkulu oqaatsit aalajangius-sat Oqaasiliortut akuerisaannik taamaallaat pisinnaasoq erseqqissaatigigalugu. Retskrivningsordbogiliornermi atuisussatut siunniussat qanoq aalajangersi-matiginersut Ellen Jensenimit apeqqutigineqarmat nassuiaatigineqarpoq una:

- 1) Retskrivningsordbogiliornissaq Atuaftsialak siullermik atuisussatut salliu-tinneqarluni amigaatigineqarnera annertoqimmat.
- 2) Kikkut kalaallisut allannermut tunngatillugu ordbogi tigorianaanaq sukka-sumik sulinermut iluaqutaasinnaassusilik siunniunneqarpoq meeqqat atuarfiata pissaata saniatigut.

Saqqummersitsinissamut suliniarnermut tunngatillugu isumaqatigiissutigine-qarpoq Ilinniusiorfiup aningaasaliisussanik katersuiniarneq tamakkerlugu tigummissagaa Oqaasileriffiullu oqaatsinik suliaqarnerup pitsaassutsimillu sa-narfineq akisussaaffigissallugu, tassunga tunngatillugu nassuiaatigineqarpoq MLLip KEOllu sulisinneqarnerat kipitittariaqanngitsoq kisiannili Oqaasileriffimmi atorfillit oqaatsit pineqartut ataasiakkaarlugit misissoqqissaaqqaarlugit paasissu-tissanik uninngasuusivimmut toqqorterneqassasut aalajangiunneqarluni.



Retskrivningsordbogiliornermut Atuarfitsialammut atugassanngortitassamut tunngatillugu ilinniartitsisooqatigiit oqaatsinik taaguutinik ilanngukkusutaminik aamma periarfissaqassasut isumaqatigiissutigineqarpoq.

Ilinniusiorfiup Retskrivningsordbogimik pitsaasumik pitsaassusilimmik saqqummersitsinissamut suliniuteqarnermik sulisitassamik apeqquteqarnera tigulluarneqarpoq. Oqaasileriffimmilu atorfilimmit siunnersuutigineqarluni suleqatigiisitaliaaqqamik pilersitsisoqassasoq taassumalu suliat ataavartumik ingerlatissallugit oqaatsit ataasiakkaat pineqartut immikkoorsiternerini. Oqaasiliortunut ilaasortamit NMimit eqqaaneqarpoq oqaatsit ilaatigut maangaannaq tigusatut ittut ingalassimaniarneqartariaqartut. Tamanna tassa suleqatigiisitaliap suliassaata ilaa, immikkoorsiterineq atorsinnaasut atorsinnaanngitsullu nalunaarsorlugit akuerisassanngorlugit Oqaasiliortunut ingerlateqqinnginnerini. CCOmit nassuiaatigineqarpoq maannamut suliamut aallartisaatitut takussutisani naapitassaasut ilaatigut oqaatsit isumaqataat (synonymer) ilanngussuunneqarsimasut isumaat pinnagit, tamannaasorlu sapinngisamik isumaqataat pinnagit kisiannili isumaat pillugit paasissutissiineq tunaartarineqassasoq meeqqap paasissammagu oqaaseq qanoq isumaqarnerisooq kiisalu paasissutissanik allanik pisariaqarpat paasissutissinneqarluni.

Oqaasileriffimmi atorfilinnit Ilinniusiorfimmiunillu isumaqatigiissutigineqarpoq uuma qaammatip aallartilersup naalernerani naapeqatigiittoqaqqissasoq sulianik sumut killinernik paasissutiisseeqatigiinnissamut sulinerullu sanarfinissaanut tunngatillugu.


- 4 pillugu -

Oqaatsit suliassiissutigineqarsimasut Oqaasileriffimmi atorfilimmit Bolatta Vahlimit saqqummiunneqarput tassaasut: **Korsbånd, Fugleinfluenza, Håndfonem** aamma **Fonologisk**.

Oqaasiliortunut ilaasortanit ima aalajangiunneqarput akuerineqartut:

Korsbånd: (seeqqumi) ujalorsuit najummisut.

Fugleinfluenza: nualluut timmissaneersooq.



Håndfonem: naqinneq ussersuut

Fonologisk: oqaatsit nipaannut tunngasut. (Fonologi tassaalluni oqaatsit nipaannik misissuineq).

- 5 pillugu-

TelePostimit oqaatsit suliassiissutigineqarsimasut Stephen Heilmann saqqummiussa qarpoq. Oqaatsit suliassiissutigineqartut naqissuserlugu ilisimatitsissutigineqarissaaq oqaatsit suliffeqarfiup TelePost iluinnaani atugassatut akuerineqarmata ilaatigut oqaatsit pineqartut suliffeqarfiup avataani allaanerusumik isumqartillugit atorneqartarmata.

Infoskærme: (igalaasat) paasissutissiiviit. (Nassuiaat: Paasissutissiiviit)

Profiltøj: Sullisit ilisarnaatillit. (Nassuiaat: Atisat suliffeqarfiup sulinnermi atugassiai.)

Support: Ikiorsiivik. (Nassuiaat: Ikiorneqarumalluni saaffissaaq.)

Voksenspær: Killiliineq. (Nassuiaat: Internetimik atuinnermi killiliineq.)


Spærring: Killiliineq. (Nassuiaat: Telefonimik atuinnermi killiliineq.)

Home: Aallartiffik. (Nassuiaat: Internetikkut nittartakkami aallartiffik.)

Service activation: Kiffartuussinermik aallartitsineq. (Nassuiaat: Nammineq iml. soorlu Tele saaffigalugu kiffartuussinermik aallartitsineq.)

Distribution: Siammarterineq iml. Nassiussuineq. (Nassuiaat: Attaveqaatinuuppat siammarterineq – poortukkanuuppat nassiussuineq.)

Kraftcenter: Pissassarfik. (Nassuiaat: Piginnaaneqareersunut pissassarfik.)



Værdier: Pingaartitat.

(Nassuiaat: Soorlu suliffeqarfiup pingaartitai.)

Vision: Takorluukkat.

Mission: Suliassat.

Strategi: Iliuusissat.

Liberalisering: Iliuseq kisermaassiunnaarnej.

Samarbejde, partnerskaber og strategiske alliancer: Suleqatigiinneq, piginneqateqarnej iliuuseqaqatigiinneq.

Frontpersonale: Kiffartuussisut.

Omverdensstrategi: Avammut tunngatillugu pilersaarutit.

Image, synlighed, kommunikation: Kiinnertarnej, saqqumilaarnej, attaveqatigiinneq.

Fjernarbejdspladser: Avalequtit.

Fastholdelse af medarbejdere: Sulisut pigiinnarniarnerat.

Flaskehalse: Paamaaqut.

Bredbånd: Attaveqaat sukkasooq.

(Nassuiaat: Internetikkut attavik sukkasooq.)

Downloade: Aallernej.

(Nassuiaat: Internetikkut aallernej.)

Fast kobling til internettet: Internetimut aalajangersumik attaveqaat.

Data: Paasissutissat.

Netværkskort: Attaveqaasersuut.

(Nassuiaat: qarasaasiamut.)

Surfe: Internetikkut kaassalisaarnej.

Volumentaksering: Atuineq malillugu akilersuineq.

Net Terminering Punkt: Attaveqaatit katersuuffiat.


Ringetoner: Siarnertaatsit.

Logo: Ilisarnaat.

Underholdning: Aliikkutat.

Billedbeskeder: Nalunaarutit assitallit.

SMS spil: SMS-imi pinnguaatit.



Carl Chr. Olsen
Oqaasiliortunut siulittaasoq

Johanne B. Tobiassen
Allatsi